

## Jeix gorn loh hnoi gouv-nyinh gornqv taux meiv guoqv caux haa waaih mungv

1826 – uov norm hnyangz, meiv guoqv duqv hiuv gornqv haa waaih deic benx yietc norm ninh mbuo nyei mungv aengx caux maaih doh leiz ganv gunv ziux goux ganv nyei deic bung.

1893 –uov hnyangz meiv guoqv nyei uom zangc baeng maanh duqv zorqv Haa waaih deic daaih gunv ziux goux, ninh mbuo hoic zuix gornqv oix zuqc gunv ziux goux mangc maiv bun maaih huiang nyei hungv baeng mborqv jaax sic dauh ging-dongx taux meiv guoqv deic bung aengx caux duqv bun zoux gong mienh mingh zorqv geh baeng faaux hietv jienv naaiv haa waaih mungv deic dauh liuz nor haa waaih mungv liuz benx ninh mbuo nyei deic bung ziux goux. Yiem naaic daaih ninh mbuo meiv guoqv nyei hungv jaa duqv zorqv naaiv dauh hungv heuc Liliuokalani yiem naaiv haa waaih deic “cuotv dinc” (oix hiuv taux naaiv deix javv louc nor bieqc mingh toqc mangc yietc nyeic yiem naaiv <http://www.kanakamaolipower.org/history.php>).

1898 – uov norm hnyangz meiv guoqv hungv jaa duqv bieqc mingh gunv ziux goux haa waaih deic benx ninh mbuo nyei deic bung. Meiv guoqv hungv jaa “cuotv yaangh zorqv” naaiv haa waai deic daaih benx ninh mbuo nyei deic bung naaiv yaa maiv duqv dorng zuangx njiec sou nzangc gornqv ninh mbuo duqv bieqc mingh gunv naaiv norm deic, jeix ndaangc daaih uov hingv meiv guoqv hungv jaa yaac duqv zoux naaiv diuc eih leiz dongh ninh mbuo zorqv Louisiana, Florida, Texas daaih gunv ziux goux uov aengx caux jienv da’ nyeic norm deic yaac zoux fih hngangv. Gornqv longc gan zuangx guoqv doh leiz nor beiv taux ninh mbuo bieqc mingh zorqv da’nyeic norm deic dongh baeqc bieqc mingh zorqv ganv norm deic bung daaih gunv dongh duqv waac deic bung nyei ziouv uov bung maiv gaengh nyiemc-suei.

1959 – uov hnyangz meiv guoqv duqv mbenc bun maaih waac naaic taux naaiv haa waaih nyei baeqc fingz mangc gaax ninh mbuo corc oix bun ganv gunv ziux goux hngangv loz uov zanc uov fai, aqv fai oix bun oix benx meiv guoqv nyei yietc norm mungv deic. Oix liouh bun ninh mbuo nyei baeqc fingx duqv hnamv gan ganv nyei hnyiouh ziux goux ganv nyei fu’loqc, ninh mbuo meiv guoqv hungv jaa yaac maiv oix naaic da-faam jiuux waac dongh longc gan njiec sou gan doh leiz gornqv taux deic bung maaih ngaengc caengx nyei jiuov gan zuangx guoqv nyei doh leiz yiem (Charter of the United Nations) gornqv taux haa waaih oix zuqc maaih ganv gunv ziux goux ganv nyei deic bung nyei fai. Ninh mbuo yaac maaih njiec mbuoz waac camv faaux dongh ninh mbuo meiv guoqv nyei baeng-maanh 10,000 dauh dongh zoux gong yiem haa waaih mungv deic uov, meiv guoqv duqv buatc gornqv baeqc fingx njiec mbuoz gauh camv gornqv oix bun meiv guoqv gunv ziux goux liuz nor ninh mbuo zorqv naaiv haa waaih mungv bieqc benx meiv guoqv nyei 50 norm deic bung mungv.

2015 – uov hnyangz, haa waaih mungv corc sei benx yietc norm meiv guoqv nyei ziux gunv nyei mungv nzueic jiez, aengx caux meiv guoqv nyei hungv jaa yaac duqv gunv ziux goux jienv maiv bun ninh mbuo haa waaih nyei baeqc fingx maaih ziangh hoc haaih duqv nzaeng hingv duqv ganv gunv ganv. Mv baac ninh mbuo maiv hiuv gornqv haih nzaeng hingv duqv lauh taux ndongc haaix lauh...?

**Meiv guoqv nyei baeqc fingz zuangx mienh hnoi hnoi duqv jangx longx gornqv: “Yie mbuo nyei deic bung longx jeix doic yiem naaiv yietc norm lungv ndiev ziouh dingh!”**  
aengx caux yietc zungv oix zuqc njaaux fu’jueiv yiem horqc dorngv gornqv domh nzoih oix zuqc horpc hnyouh zoux longx gornqv: “...oix bun maaih fih gunv ganv aengx caux baengh fim bun da’dauh yietc zungv domh zuangx baeqc fingz mienh!”

Ninh mbuo haa waai nyei baeqc fingx mienh duqv dau waac gornqv: **Haa waaih maiv zeix meiv guoqv nyei deic bung aengx caux maiv bun haih benx meiv guoqv yietc liuz!**

*Benx haaix nyungc meiv guoqv cingx bieqc mingh fih goux taux da’nyeic norm deic bung, lorx javv lorx waac bieqc mingh fih nzaeng zorqv benx ganv nyei deic? Maaih zix diuc ei-leiz ninh mbuo duqv zoux fih hngangv. Yiem naaiv lungv ndiev naaiv corc sei aengx maaih 2 - 3 norm deic bung yaac zuqc da’nyeic norm deic bung ziux gunv jienv nyei mv baac ninh mbuo yaac duqv fih nzaeng kouv mv haih duqv gunv ganv nyei deic bung. Ninh mbuo lorx sic ceux zoux bun zuangx mienh buatc gornqv longc qaqv leqc wuotc ginc mingh mborqv da’nyeic norm deic bung naaic duqv mbienv waac longc aqv fai maiv longc gan zuangx guoqv nyei domh doh leiz yietc nyeic naaic dorh mingh bun tengx paaiv guangc zuangx guoqv nyei domh doh leiz mi’aqc. Haa waaih nyei baeqc fingz oix zoux uonv liuc nyei biauv dorngv liouh bun hietv naaiv deix gouv nyinh yiem naaiv Haa waaih dorngv heuc (Kauai) dorngv sei zeix dongh ninh mbuo mh ngornv-ngaengc aengx caux oix dorh naaiv deix jiauv louc aengx caux oix dorh ninh mbuo ganv nyei guoqv zangc geh mingh hietv jienv liouh bun zuangx guoqv kaeqv mienh mangc aqv fai hoqc gornqv taux naaiv deix javv louc. Naaiv deix jiauv louc yaac duqv zoux benx sou bungx cuotv yiem in-daa-netc aengx caux duqv porv cuotv aengx caux fiev njiec sou benx zix fingz nyei waac zunh cuotv lungv ndiev.*